

ՀԱՇՎԵՏՎՈՒԹՅՈՒՆ

ՀՀ Արմավիրի մարզի Նոր Կեսարիա համայնքի ղեկավար Հ. Գալստյանի 2013թ. 1-ին կիսամյակի կատարած աշխատանքների մասին:

Հարգելի համագյուղացիներ, ավագանու անդամներ, հյուրեր Ձեզ եմ ներկայացնում 2013թ. 1-ին կիսամյակի իմ կողմից Նոր Կեսարիա համայնքում կատարած աշխատանքների և բյուջեյի կատարման մասին հաշվետվություն:

Նոր Կեսարիա համայնքը կազմված է 260 ծխից և ունի 1600 բնակիչ:

Ղեկավարվելով “Տեղական ինքնակառավարման մասին” և “Համայնքային ծառայության մասին” Հայաստանի Հանրապետության օրենքներով, ենթաօրենսդրական ակտերով, համայնքի ավագանու և գյուղապետարանի կանոնադրությամբ և ընդունված որոշումներով համայնքի ՏԻՄ մարմինները իրենց գործունեությունը 2013թ. 1-ին կիսամյակին հիմնականում նպատակաուղղել են համայնքի բնակչության հոգսերի և խնդիրների լուծմանը, ինչպես նաև համայնքում առկա սոցյալ տնտեսական խնդիրների որոշման և բարելավման հարցերին:

Չնայած 2013թ. 1-ին կիսամյակի համայնքում չի ներդրվել որևէ խոշորամասշտաբ ծրագիր և համայնքին չի ցուցաբերվել համապատասխան աջակցություն համայնքում առկա հիմնախնդիրների լուծմանը, որոնք նախատեսված էին համայնքի սոցյալ-տնտեսական զարգացման քառամյա ծրագրով, այնուամենայնիվ համայնքի սուղ միջոցներով կատարվել են մի շարք աշխատանքներ, փոխվել է համայնքի ոռոգման ներտնտեսային ցանցի վթարային մասի 700 գծամետր խողովակի անցկացում , որի վրա ծախսվել է 4 500 000 /չորս միլիոն հինգ հարյուր հազար / դրամ գումար : Քարտեզագրվել է համայնքի փողոցները, անհատական բնակարաններին տրվել են հասցեներ, <<համարակալված ցուցատախտակներ >> :

Տարվա ընթացքում համայնքի բյուջեյի միջոցներից համայնքի անապահով ընտանիքներին հատկացվել է շուրջ 1 200 000 (մեկ միլիոն երկու հարյուր հազար) դրամի օգնություն : Կիսամյակի ընթացքում կազմակերպվել և անցկացվել է մի շարք միջոցառումներ կապված Հայոց բանակի կազմավորման, հայրենական պատերազմի և Արցախի ազատագրման, կանանց միջազգային օրվա անցկացման հետ:

Համայնքի միջոցներով կատարվում են աղբահանության աշխատանքներ և գյուղապետարանի աշխատակիցները պարբերաբար հանդիպումներ են կազմակերպում ազգաբնակչության հետ և նրանց կողմից բարձրացրած հիմնախնդիրները քննարկում ենք ավագանու հետ և փորձում ենք տալ դրական լուծումներ: Համայնքի բյուջեյի միջոցներով գնվել է ծառայողական ավտոմեքենա , որի արժեքն է 5 000 000 /հինգ միլիոն / դրամ :

Գյուղը զազաֆիկացված է, գործում է ակումբ-գրադարանը, գործում է նաև բուժ ամբուլատորիան , չունենք միայն մսուր –մանկապարտեզ :

Մշակույթի տունը գտնվում է ոչ բարձր վիճակում , բավարար վիճակում է գտնվում գյուղապետարանի շենքը, որում տեղակայված է գրադարանը:

Բավարար է տրանսպորտային կապը Արմավիր քաղաքի հետ ավտոբուսային երթևեկությունը իրականացվում է ամեն օր, օրը 3 անգամ , առկա է հինգ առևտրի սրահներ և ապահովում է բնակչության առօրյա կարիքները:

Համայնքում լուրջ հիմնախնդիր է համարվում բնակչության զբաղվածության ապահովումը, գյուղում չի գործում որևէ արտադրամաս կամ աշխատանքի օբյեկտներ, որը և պատճառ է հանդիսանում երիտասարդության գյուղում չմնալուն: Կիսամյակի ընթացքում չի կառուցվել որևէ նոր բնակարան, տարվա ընթացքում եղել է 15 ծնունդ: Գյուղում գործում է մեկ միջնակարգ դպրոց՝ թվով 194 աշակերտ, 1-ին դասարանում սովորում են 24 , իսկ ավարտական դասարանում՝ 10 աշակերտ: Դպրոցում ընդգրկված են 36 աշխատողներ: Համեմատած բարձր վիճակում է գյուղի բուժ-ամբուլատոր կետը, որում աշխատում են 2 բուժքույրեր: Գյուղապետարանի աշխատողները բաղկացած են 14 հոգուց : Բնակչության մեծամասնությունը զբաղված է անասնապահությամբ և հողագործությամբ:

Խիստ անբարենպաստ եղավ գյուղացիների համար, մայիսի 12-ին տեղի ունեցած կարկտահարությունից հացահատիկային մշակաբույսերը և պտուղ բանջարեղենի ցանքատարածքները վնասվեցին 100 %-ով: Այդ մասին իրազեկվել է համապատասխան ասյաններին, ստեղծվել հանջնաժողովներ, կազմվել համապատասխան ակտեր և ներկայացվել պետական մարմիններին պատճառված վնասների հատուցման և գյուղացիներին աջակցման նպատակով: Գյուղացիների վնասը մեղմացնելու նպատակով ներկրվել է սերմացուներ և ազոտական պարարտանյութ, դիզվառելիք և տրվել է դրամական աջակցություն: Գյուղատնտեսական աշխատանքների աջակցելու նպատակով համայնք է ներկրվել 172 տոննա ազոտական պարարտանյութ և 40 տոննա դիզ. վառելիք և մատչելի գներով տրամադրվել է համայնքի ազգաբնակչությանը : Կատարվել են աշխատանքներ ոռոգման ջրի հիմնախնդիրների լուծման գործում և դրա շնորհիվ կատարվում է ոռոգման ջրի նորմալ սպասարկում :

Ելնելով կատարված աշխատանքներից և առկա բացթողումներից հավաստիացնում են համայնքի բնակչությանը, համայնքի ավագանուն, որ 2013թ. 2-րդ կիսամյակի ընթացքում անհրաժեշտ միջոցներ կձեռնարկվեն համայնքում առկա հիմնախնդիրների լուծման, բյուջեյի սեփական եկամուտների ապահովման գյուղապետարանի աշխատակազմի աշխատանքների բարելավման և պատասխանատվության բարձրացման ուղղությամբ:

ՆՈՐ ԿԵՍԱՐԴԱ ՀԱՄԱՅՆՔԻ ՂԵԿԱՎԱՐ



Հ. ԳԱԼՍՅԱՆ

12.07.2013թ

գ. Նոր Կեսարիա

Տեղի ունեցավ Հայաստանի Հանրապետության Արմավիրի մարզի Նոր Կեսարիա համայնքի ընդհանուր ժողով:

Ժողովին մասնակցում էին համայնքի բնակիչները, ավագանու անդամները:

Ժողովի նախագահ՝ Գ. Գրիգորյան



Քարտուղար՝ Պ. Աբրահամյան



Օրակարգ-Նոր Կեսարիա համայնքի ղեկավար Հ. Գալստյանի հաշվետվությունը 2013թ 1-ին կիսամյակի ընթացքում կատարված աշխատանքների մասին:

Զեկուցողը մանրամասնորեն ներկայացրեց Նոր Կեսարիա համայնքում 2013թ . 1-ին կիսամյակի ընթացքում կատարված աշխատանքների մասին հաշվետվություն:

Հաշվետվությունում վերհանվեց համայնքի սոցյալ-տնտեսական խնդիրների լուծման ուղղությամբ համայնքի ղեկավարի, գյուղապետարանի աշխատակազմի և ավագանու կողմից ձեռնարկված միջոցառումները, ինչպես համայնքի բյուջեյի կատարման, այնպես էլ համայնքի առկա խնդիրների լուծման ուղղությամբ:

Հաշվետվության շուրջ ծավալված մտքերի փոխանակությանը մասնակցեցին համայնքի ավագանու անդամները, բնակիչները: Համայնքի բնակչության կողմից առաջարկվեց համայնքի ղեկավար Հ. Գալստյանի կողմից կատարված աշխատանքները գնահատել լավ:

Համայնքի ընդհանուր ժողովը որոշեց՝

1. Համայնքի ղեկավար Հ. Գալստյանի 2013թ . 1-ին կիսամյակի ընթացքում կատարած աշխատանքների վերաբերյալ տրված հաշվետվությունը գնահատել լավ:
2. Պահանջել համայնքի ղեկավար Հ. Գալստյանից և գյուղապետարանի աշխատակազմից 2013թ. ընթացքում իրենց 2-րդ կիսամյակում գործունեությունը նպատակառոդել համայնքում առկա հիմնախնդիրների լուծման և համայնքի բյուջեյի սեփական եկամուտների հավաքագրման ամբողջական կատարման և այդ մասին պարբերաբար իրագեկ պահել համայնքի ավագանուն և բնակչությանը:
3. Ապահովել համայնքի սոցյալ-տնտեսական զարգացման քառամյա ծրագրի նախատեսված հիմնախնդիրների իրականացումը:

Ժողովի նախագահ՝ Գ. Գրիգորյան



Քարտուղար՝ Պ. Աբրահամյան

